

# Urkunde Nr. 550 bis 559

Objekttyp: **Chapter**

Zeitschrift: **Der Geschichtsfreund : Mitteilungen des Historischen Vereins  
Zentralschweiz**

Band (Jahr): **68 (1913)**

PDF erstellt am: **20.09.2024**

## **Nutzungsbedingungen**

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

## **Haftungsausschluss**

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

## Nr. 550.

1362, 4. Juli.

Vergabung der Giegenegg bei Münster an die Johannes Pfründe daselbst.

Wir Jacob von Rynach, probst des gotzhuss sant Michahels ze Münster in Ergōw Kostenzer bistumb, tūn kunt alrmenlichem und veriechen offenlich an disem gegenwürtigen brief, | das für uns in gericht kam dü bescheiden frōw Richi Malerin, wolbedacht und unbetwungenlich, gesunt lips und sinnen, unbetrogen und an vorcht und gab dur | got lüterlich und dur ir und ir vordren sel. heiles willen mit gunst und hand ir wissēhaften rechten vogtes, des erberen knechtes Rüdgers von Seckingen, lidklich in einer ganzen, steten, ewigen, | volkomner gab wis ir acker, genant Giegenegg, gelegen bi dem obern bücholtz ob der strass, dü da gat gen Surse, der ir recht morgendgab was und ze ierlichen erbzinse | giltet in unsers gotzhus kelr III schilling phenningen an sant Johans altar, gelegen in dem vogenanten gotzhus, also und mit der bescheidenheit und rechtem gedinge, | wenne dü obgenant Richi nüt ist und erstirbet an recht liberben, so si gewünni bi der ee, ob es got gelasen het, das denne der egenant acker mit allen sinen zūgehörden, nützen | und rechtungen, als er untzhar genossen und gehebt ist, vallen sol an den selben sant Johans altar und an nieman anders, und sol dannanthin ein phränder des altars, | der nu ist oder hienach wirt, den selben acker niessen und haben, setzen und entsetzen mit gewalt und gewer, als er dem altar allernützlichest ist und ierlich an | ir iarzitlichem tag geben sol von dem acker dien phrändern des gotzhus IIII ₰ phenningen und den armen lüten an ein spende II ₰ phenningen und sol öch richten den vor- | genanten erbzins und er den übrigen nutz haben. Ouch sullen die vogenanten phränder ir und ir vordern ierlichen tag began, als sit und gewonlich ist in unserm | gotzhus und gelopt bi gūten trüwen mit ir vogenanten vogtes hand und ir vogt mit ir mit aller der sicherheit und gewarsami, worten, wercken und

geberden, | so von recht oder von gewonheit darzû hort und notdürftig was vor uns als irm rechten richter und als morgendgab recht ist. Dise gab stet ze hand, als vor- | geschriben, besündert und be miner stat si niemer widergerûffen von keinerleige sach wegen, damit man kôndt, wôlt oder môcht recht ewig volkomen gab | widerrûffen und ergech sich davor uns und widerseit allem dem rechten, das ir oder ieman an ir stat in keinen weg gehelfen môcht, es si geislich | oder weltlich, geschriben oder ungeschriben, das nu ist oder noch funden môchti werden, wie das genant sey, es si lantrecht, burgrecht, stetrecht, friheit, gewonheit | briefe, gesetzde uszug und schirmung und gemeinlich, wie man si genemmen kan, in keines wis und sunderbar den rechten, die da sprechent, es mag nieman | han und geben und gemein fürzichung fürnahr nüt an alle geverde. Unde dirr vorgeschribnen dingen zû einem waren urkund und merer sicherheit und | gezügnüs, so haben wir der vogenant Jacob unser probstie ingesigel gehencket an disen brief, der geben wart ze Münster des iares, do man zalt | von gottes geburt MCCC und zwei und sechzig iar an sant Uolrichs tag des bischofes.

Daran das Siegel der Propstei. Die Schrift des Originales ist stellenweise verwischt; wohl deshalb findet sich dabei eine Abschrift aus späterer Zeit (XVI. Jahrhundert). G.

### Nr. 551.

1362, 10. Juli, Konstanz.

Bischof Heinrich von Konstanz genehmigt die Stiftung der Kaplanei St. Nikolaus in Aarau durch Witwe Anna von Holdern und investiert R. Gilsung als Kaplan.

Siegler: Der Bischof.

### Nr. 552.

1362, 6. September, Brugg.

Das Stift Münster verkauft an Königin Agnes von Ungarn um 810 Florin Twing, Bann, Höfe, Güter und Kirchensatz zu Staufen bei Lenzburg.

Des almechtigen gottes getrewen allen kristanen Mönfchen zu der gegenwürtikeit, angeficht vnd gehörde difer brief iemer bracht wirdt. In gottes namen ewiglich. Wir Rudolf probft — — die korherren | vnd das Capitel gemeinlich der erbern kilchen vnd wirdigen Stift ze Münster in Ergöw, Costentzer Biftumes, vnfern begirlichen willen zu billicher gehorfami vnd ganzer früntfchaft, mit erkantnuzze difer nachgefchribener | dinge. Von funde vnd des valles wegen des erften Mönfchen ift alfo bekrenket vnd verirret menfchlich natur, daz die Cellen der gedenknuzze bresthaft worden fint. Darvmb eilich getat vnd alle redlich fachen | ewent wif Lüte mit briefes hantfefti durch daz darnach in künftigen ziten von vergezzeliche wegen der Lüten mit kriegesanvacht icht stözze oder irrunge darin vallen. Da von fi vns werde kunt getan | allen gegenwürtigen vnd künftigen Lüten vnd funderlich den, den es ze wizzende durft gefchicht, daz leider wir vnd das vorgehen. unfer Gozhus von urluges, Brandes, mizzenwechfde vnd ander grozzer wuftunge | vnd merklicher gebresten wegen, die Lande vnd Lüten wol kunt fint, komen waren in folich grozze vnd vnildige geltfchulde, die ze Kristanen vnd ze Juden ftund, an folichen fweren vnd wachfendem fchaden, | daz es vns vnd dem vorgehen. vnferm Gözhufe gar zerganklich vnd verdorbenlich waz. Darvmb nach mangerley fuchunge, fursätz vnd betrachtunge, die vnfer ieklicher funderlich in finem Herzen vnd wir alle gemeinlich | gehebt haben ze mangem male, wie wir vnd vnfer Gozhus derfelben geltfchulde vnd des grozzen wachfenden fchaden allerlichteklicheft entladen werden möchten, haben wir nach dezfelben vnfers Gozhufes rechten, | gewonheiten vnd gefazden zu einem male, zu dem andern male, vnd zu dem dritten male vnder vnf selber gemeinlich vff genanten verkündeten tagen berüffete vnd rechte Capitel gehebt, vnd befezzen vmb die felben | fache vff vnfer Stift zu folichen ziten vnd an folichen Stetten, alz wir das durch recht tun solten, vnd haben einander gefraget bi dem eide, wie wir vnd vnfer Gozhus der egen. geltfchulde aller komlicheft | entladen werden möchten. Und nach mangerley betrachtunge haben wir nach

vernunft vnser felbs vnd nach rate folicher erber Lüten geleter phaffen vnd wifer leyen, die vns vnd vnserm Gozhufe gûtes gunnen | vnd vns trewen schuldig vnd gebunden sint, vns geeinbart vnd sin gemeinlich vberein komen, daz wir der egen. grozzer geltschulde vnd des vnridigen schaden nicht lichteklicher entladen werden möchten, denn daz | wir dise nachgeschriben vnser Höfe, Gericht vnd Güter, Twing vnd Benne, die des vorgeh. vnser Gozhufes vnd vnser lidig eigen sint vnd butten offenlich vnd verkaufften vnd mit dem gelte, so vns davon geieli | ablozten die vorgeh. schulde. Darnach haben wir in dem namen alz da vor veil gebotten offenlich vnd erlobet von vns ze kouffende die selben Höfe, Twinge, Benne, Gericht vnd Güter allen Lüten, Phaffen | vnd leyen, geistlichen vnd weltlichen, wer vns aller meist dar vmbe geben wolte. Vnd nach langer vnd offener veilbietunge der selben guter funden wir nieman, der vns mere oder alz vil dar vmbe geben | wölte, alz die durluchtige hochgeborne furstinne, vnfre gnedige frowe, frow Agnese von Oesterrich, wilent kungin ze Ungern, von wegen, anstatt vnd in namen irer Stiftung der erwirdigen geistlichen | frowen, der Aebtiffin vnd der klosterfrowen des Conuentes gemeinlich ze Künfuelt, sant Claren ordens in Costentzer Bistum. Vnd dar vmbe haben wir in dem namen alz da vor nach gûter vorbetrachtung mit | gemeinem vnd einhellem rate an vnser vnd vnser Stifte statt für vns vnd vnser nachkomen mit aller der ordnung, bescheidenheit vnd kraft, worten, werken vnd geberden, die von geistlichen vnd weltlichen | rechten vnd funderlich nach vnserm vnd vnser Gotzhufes oder des Landes vnd der Stetten rechten, fryheiten vnd gewonheiten dheins weges darzu gehört, die selben gûter, alz si hienach begriffen sint, verkouffet | vnd ze kauffende gegeben, verkauffen vnd gäben ouch mit difem brief in eins rechten redlichen vnd ewigen kouffes wise für fry ledig eigen den vorgeh. Erwirdigen geistlichen frowen, der Aebtiffin vnd den | Closterfrowen des egen. Conuentes ze Künfuelt vmb acht hundert vnd zehen guldi vollen swere vnd gut florencier gewichtes. Wan wir nieman funden der vns

alz vil oder mer darvmben geben wölte. Derselben | guldi vns  
 die vorgehen. vnser gnedigi frow, die kungin an statt vnd in  
 namen des egen. Conuentes gar vnd gantzlich bezalt vnd  
 gewert hat, vnd ouch wir si völiklich in güter werkschaft  
 emphanen, vnd si in vnfern | vnd vnfers Gozhufes redlichen  
 nuz vnd grozze notdurft, alz in ablofung der vorgehen. schulde  
 gar vnd gantzlich bekeret haben. Dis sint nu die selben ver-  
 kauften güter. Des ersten Twing vnd Ban in dem dorffe |  
 ze Stouffen bi Lenzburg mit allen gerichtten, nutzen, fryheiten,  
 rechten vnd gewonheiten, die zu dem selben Twing vnd Banne  
 gehören, alz vnser Gozhuf vnd wir die von alter herbracht  
 haben vnd | da zu den hof ze Stouffen, der in dise nachge-  
 schriben Schuppozen vnd güter vor langen Ziten geteilet ist,  
 vnd ander vnser güter, die darin gehören, die da ze Stouffen  
 oder anderfwa gelegen sint. Das ist | ze merkende, ze Stouffen  
 ein Schuppozz, giltet vierzehnen viertel roggen, zwen schilling  
 phenning vnd ein Hün, die buwet Katherina Gerungs von  
 Rynach. Item ein Schuppozz, buwet Berchta, Cunrat Meyers  
 seligen witwe | vnd giltet vierzehnen viertel roggen, zwen  
 schilling phenning vnd ein Hün. Item ein Schuppozen, buwet  
 Belo Volrichs Meyers Tochter, giltet vierzehnen viertel roken,  
 zwen schilling phenning vnd ein Hün. Item ein Schuppozz |  
 buwet Berchta Cunrat Meyers seligen Witwe, vnd giltet vier-  
 zehnen viertel roggen, zwen schilling phenning vnd ein Hün.  
 Item zwo Schuppozen geltent sibben mütt roggen, zwen schilling  
 phenning vnd ein Hün. Der | buwet Volrich Vafnacht eine  
 vnd Volli, Claus Vafnachts sun die andern. Item ein Schup-  
 pozen buwet Beli genant Heinbernarz, vnd giltet vierzehnen  
 viertel roggen, zwen schilling phenning vnd ein Hün. Item  
 | ein Schuppozen buwet Heinrich von Heinbrunnen, die  
 giltet vierzehnen viertel roggen, zwen schilling phenning vnd ein  
 Hün. Item zwo Schuppozen buwet Cunrat Meyers, die geltent  
 sibben mütt roggen, vier schilling | vnd zwei Hunr. Item zwo  
 Schuppozen geltent sibben mütt rogen, acht phenning vnd  
 zwei Hunr, die buwet Rudi Meyer von Stouffen. Item dry  
 Schuppozen geltent zehnen mütt roggen fünf schilling vnd drü

| Hünr, der buwet Rūdi Strazburg zwo vnd Uolrich Meyer eine, die vorgen. fünf schilling phen. gevallent ierlich einem Lütprifter ze Brugg von Cūns. Schonbrots Jarzit. Item zwo Schuppozzen geltent Siben Mütt | roggen, zwen schilling vnd zwei Hünr, die buwet Rūdi Meyer vnd git drizzig schilling vnd von hinderfatz. Item ze Lenzburg von einer hofftatt hat Berchtold Eitenberg ein Mütt roggen. Item ein f. phenning von einer hofftatt | hat Hug von Kyenberg. Item ze Nidern Lenz lit ein acker bi der Müli bi dem angerwege, giltet ein wegesen, den buwet Berchtolt Paternoftrer vnd Ruodol Eitenberg. Item ein Müli gelegen nidrund Grauen | Müli, die Stülingers erben hant, giltet zwen pfenning. Item die acker gelegen zcr Gruben ob obern Lenz bi dem wege geltent ein phennsng, die buwet Volr. Kaufman. Item die acker gelegen bi dem krafache | geltent ein phennig, die buwet Volr. Schuppozzen vnd zwen bletz ackers geltent dry phennig, die buwet Rüdger von Lo, mit getwingen, Bennen, Gerichten, Höfen, Huben, Schuppozzen, ackern, Matten, Garten, pom- | garten, Hofftetten, Hüfern vnd Schüren, Höltzern. Geuilden, Welden, Wunne, vnd weide, Ingangen, vfgangen, wegen, Stegen, wazzern vnd wazzerrünfen vnd gemeinlich mit allen andern nützen vnd rechten, gefuchten | vnd vngefuchten, funden vnd vnfunden, die zu den verkouften gütern dheins weges gehören, wo die gelegen, oder wie si genannt sint, die wir vnd vnser nachkomen dem vorgenannten Gotzhufe ze Künigveld weren | fullen für lidig, eigen in gericht vnd am gericht, nu vnd hie nach, wo, wenne, gegen wem oder wie inen des not geschieht, ane alle geuerde, vnd funderlich mit dem rechten die hüngant mit einer gemeinschaft, | das ist ze merkende mit dem kilchenfaze ze Stouffen alz vil wir oder vnser Gotzhus rechtes daran gehebt haben vnd alz verre der gehört hat in die egenannten Höfe vnd güter, des wir vns ouch zu des vorgen. Gozhufes | vnd frowenklofters ze Künigvelt handen genzlich vnd wizzentlich verzigen haben, mit sampt den vorgen. gütern. Wir haben ouch in dem namen alz da vor an vnser vnd vnser Stift statt entwichen aller | der befizung vnd gewer alz wir die vorgen.

verkouften guter herbracht vnd befezzen haben von alten ziten  
 hardan in nutzlicher vnd ruwiger gewer. Vnd haben die vorgen.  
 Aebtifsin, Clofterfrowen vnd den | Convent ze Kúngfuelt in  
 irem vnd irs Gotzhufes des frowen Clofters daselbs namen  
 gefezet vnd fetzen si mit difem brief wizzentlich in recht  
 nutzlich vnd rúwige gewer derfelben verkouften Twingen |  
 Bennen, gerichtten, Höfen vnd gütern mit dem rechten das mit  
 einer gemeinde durch gat, vnd alles des, fo darzu gehöret  
 für fry ledig eigen, alz vorbefcheiden ift, ane alle geuerde.  
 Ouch haben wir alle gemeinlich | vnd vnfer ieklicher funderlich  
 für vns vnd vnfer nachkomen verheizzen vnd gelobt mit vnfern  
 trewen an eides ftatt difen kouf ftet ze habende vnd niemer  
 da wider ze tünde, weder mit recht, noch der getat | heimlich  
 noch offenlich mit vnfer felber oder mit andern Lüten, noch  
 ouch ieman gehellen, der da wider tün wölte, alleklich oder  
 bi teilen in dheinen weg, ane geuerde. Wir haben ouch  
 verheizzen vnd gelobt in dem namen | alz da vor, daz wir  
 von dem Stul von Rome, von dem Erzbifchof von Megenz,  
 noch von dem Bifchof von Coftenz, von dem heiligen Römifchem  
 Riche vnd von den Herzogen von Oefterrich, noch von dheinen  
 andern | geiftlichen oder weltlichen furften oder Richtern  
 niemer kein gericht geuordern noch gefuchen fullen, damit wir  
 wider difen vorgeschribnen kouf iemer getun möchten, wan  
 wir vns verzigen haben wizzentlich vnd verzihen | ouch mit  
 difem brief helffe vnd rates aller geiftlichen vnd weltlichen  
 Richter, rechten vnd gerichtten, fryheiten vnd gewonheiten  
 vnfers vnd anderer Gozhufer, des Landes vnd der Stette, da  
 mitte wir difen kouf | iemer bekrenken, geendern, widerruffen  
 oder verirren möchten in dheinen weg. Sunderlich verzihen  
 wir vns ouch folicher Vfüzug vnd funde, da mitte wir oder  
 vnfer nachkomen hernach komen vnd fprechen | möchten, daz  
 wir diz verkouffens betwungen weren, oder daz derfelb kouf  
 nicht recht vnd redlich befchehen were, oder daz wir an  
 werte der güter vber das halbe betrogen weren oder daz wir  
 des egen. geltes | nicht gar vnd gantzlich bezalt vnd gewert  
 weren, oder daz es in vnfern vnd vnfers Gozhufes nutz nicht



komen were. Vnd verziehen vns ouch mit namen des rechten damit man verfereten vnd entwereten Gozhufern | ze helffe kunt vnd wider in ir gewer letzet, vnd des rechten, daz da sprichet, gemein verziehen veruache nicht, vnd aller anderer ume vnd fürzúg, da mit wir hie wider in dheinen weg getún móchten, ane guerde. | Vnd dar vber ze warer vergicht vnd ewigen vrkund aller vorgeschribnen sachen haben wir der obgenant Rüdolf der probst vnd das Capitel des Stift ze Münster in Ergew vnsern Ingesigel für vns vnd vnser nachkomen | ewiklich gehenket an difen brief. Der geben ist ze Brugg in Ergew an zinstag nach sant Verenen tag. Nach gots geburt drúzehen hundert vnd Sechzig Jaren vnd darnach in dem andern Jare.

Die beiden Siegel hängen wohl erhalten. Originalurkunde Nr. 315 im Archiv von Königfelden in Aarau.

### Nr. 553.

Anno Domini 1363, 10. Maii, obiit Dominus Jacobus de Rinach, prepositus huius ecclesie.

Jahrzeitbuch Münster.

